

Morning Dogri (NSD) National News Bulletin 31-03-2025

आकाशवाणी

- प्रधानमंत्री नरेन्द्र मोदी होरें छत्तीसगढ़ च 33 ज्हार 700 करोड़ रपे दी लागत आहली केई विकास परियोजनाए गी शुरू कराया।
- केंद्र ने मणिपुर नागालैंड ते अरुणाचल प्रदेश दे केंई हिस्सें च सशस्त्र बलें गी विशेष अख्तियार देने सरबन्धी कनून एएफएसपीए दी मियाद 6 म्हीने लेई बधाई दिती ऐ।
- उत्तराखंड च श्री गंगोत्री धाम दे कपाट इस ब'रे 30 अप्रैल गी अक्षय त्रितिया दे मौके पर बडलै साडे 10 बजे खोले जांगन।
- पवित्र म्हीने रमजान दे मुकने दा प्रतीक ईद-उल-फितर अज्ज मुख् भरें च मनाई जावदी ऐ।
- अमरीका दे राष्ट्रपति डोनाल्ड ट्रंप होरें ईरान गी अपने परमाणु प्रोग्राम उप्पर अमरीका कन्ने समझौता नेई करने दी सूरत च बम्बारी ते होरने दुए शुल्क लाने दी धमकी दिती ऐ।
- जारडन दी अम्मान थाहर खेड्डी जावदी एशिआई कुश्मी प्रतियोगिता च दीपक पुनिया ते उदित ने चांदी दे तगमे जिते न।

<><><><><><>

PM-Chattisgarh

प्रधानमंत्री नरेन्द्र मोदी होरे छत्तीसगढ़ च 33 ज्हार 700 करोड़ रपे दी लागत आहली केई विकास परियोजनाए गी शुरू कराया। बिलासपुर च इक जनसभा गी संबोधत करदे होई श्री मोदी होरें आखेआ जे इनें परियोजनाएं कन्ने ज्हारबद्धे लोकें गी रोजगार थ्होग ते राज्य दे आर्थिक विकास च गति औग। श्री मोदी होरें आखेआ जे इनें परियोजनाएं कन्ने छत्तीसगढ़ दे विकास प्रति केई सरकार दी प्रतिबद्धता बारे पता लगदा ऐ। प्रधानमंत्री हुंदे आस्सेआ शुरू कीती गेदी परियोजनाएं च प्रधानमंत्री आवास योजना तैहत 3 लक्ख घर, स्मार्ट जमातें कन्ने लैस 130 पीएम-एसएचआरआई स्कूल ते अत्याधुनिक लैब्राटरियां, इलाके च ऊर्जा सुरक्षा गी बधाने लेई 540 किलोमीटर लम्मी पेट्रोल दी पाईपलाइन ते माओवाद प्रभावत क्षेत्र च शिड़क संपर्क च सुधार लेई ग्रामीण शिड़कें दे निर्माण शामिल हे। श्री मोदी होरें आखेआ जे सरकार लेई जकीनी बना'रदी ऐ जे छत्तीसगढ़ दे हरेक परिवार, खास करियै आदिवासी इलाकें च रौहने आलें गी खरी शिक्षा, आधुनिक मूलढांचा ते जीवन आस्तै बेहतर मौके दित्ते जान।

प्रधानमंत्री होरें आखेआ जे इनें परियोजनाएं दा मकसद छत्तीसगढ़ दी राई-बाई उप्पर पारम्पारिक निर्भता गी झिगड़ा लोआइयै उद्योग ते शिखा उप्पर निवेश, मुल्खे दी आर्थिक मुखधारा कन्नै जोड़ेआ जा। प्रधानमंत्री होरें विरोधी पार्टी कांग्रेस उप्पर विकास परियोजनाएं च रूकावट सनें, माड़े प्रशासन ते भथी घोटाले राएं छत्तीसगढ़ दे युवाएं कन्नै धोखा करने दा दोष लाया।

<><><><><><>

MHA-AFSPA

गृहमंत्रालय नै मणिपुर, अरुणाचल प्रदेश ते नागालैंड दे किश हिस्सें च सशस्त्र बलें गी विशेष अख्तेयार देने सरबंधी कनून दी मियार होर 6 म्हीने लेइ बधाने दी घोशणा कीती ऐ। मणिपुर च 5 जिले इम्फाल पच्छिम, इम्फाल पूर्व, थौबल, बिष्णुपुर ते काकचिंग गी छोड़ियै सब्बने जिलें च आपसा बधाई दित्ता गेआ ऐ। नागालैंड दे 8 जिलें ते 5 होरने जिलें दे किश हिस्सें च कनून दी मियाद बधाई गेई ऐ। इआं गै अरुणाचल प्रदेश दे तिरप, चंगलेंग, लांगडिंग जि दे किश हिस्सें च आपसा गी बधाया गेआ ऐ। इक उच्च स्तरीय सुरक्षा सुरक्षा जायजा बैठक मगरा आपसा दी मियाद बधाने दा फैसला कीता गेआ। मणिपुर च बड़ी मती हिंसा मगरा 13 फरवरी थमां गै राष्ट्रपति शासन लागू ऐ।

<><><><><><>

Gangotri Dham

उत्तराखंड च श्री गंगोत्री थाम दे कपाट अक्षय त्रितिया दे मौके पर 30 अप्रैल गी बडले साढ़े 10 बजे खुल्लगंन। एह फैसला श्री गंगोत्री धाम मंदर कमेटी नै मुखवा च होई दी इक बैठक दरान लैता। मुखवा गी मां गंगा दा सयाले आला घर मन्नेआ जंदा ऐ। श्री यमुनोत्री धाम दे कपाट बी उस्सै दिन खुल्लगंन जेहदा समें यमुनोत्री मंदर कमेटी 3 अप्रैल गी यमुना जयंति दे मौके पर घोषत करोग। श्री बद्रीनाथ-कैदारनाथ मंदर दे मीडिया इन-चारज डॉ. हरीष गौर होरें आखेआ जे श्री बद्रीनाथ ते कैदारनाथ धाम दे कपाट खुलने दी तरीक ते समें पैहले गै घोषत करी दित्ती दी ऐ। श्री बद्रीनाथ धाम दे कपाट 4 मई गी बडलै 6 बजे ते श्री कैदारनाथ धाम दे कपाट 2 मई गी बडलै 7 बजे खुल्लगंन। एह मंदर हर ब'रे अक्टूबर ते नवम्बर च तकरीबन 6 म्हीने लेई बंद कीते जंदे न ते अप्रैल ते मई म्हीने सौए दरान खोले जंदे न। एह यात्रा यमुनोत्री थमां शुरू होइयै कैदारनाथ, थमां होइयै गंगोत्री तगर चलदी ऐ जेहड़ी खीरै च बद्रीनाथ जाइयै सम्पन्न होंदी ऐ।

<><><><><><>

Eid-UI-Fitr

अज्ज ईद-उल-फितर दा ध्यार मुल्खे दे केई हिस्से च धार्मिक उत्साह ते जोश जज्बे कन्नै मनाया जा'रदा ऐ। एह ध्यार रमजान दे म्हीने दे समापन उप्पर मनाया जंदा ऐ। इस मौके पर बक्ख-बक्ख ईदगाहें ते मस्जिदें च नमाज पढी जंदी ऐ। राजधानी दिल्ली च जामा मस्जिद, फतेहपुरी मस्जिद ते शाही ईदगाह च टकोहदे तौरा पर नमाज-ए-ईद अता कीती जा'रदी ऐ। राष्ट्रपति ते उपराष्ट्रपति होरें लोकें गी ईद दी मुबारकबाद दित्ती ऐं श्रीमती मुर्मू होरें अपने सनेए च आखेआ जे ईद-उल-फितर रोजें दे पूरे होने आला ध्यार। उनें मेद दस्सी जे एह ध्यार अमन-रमानदारी ते खुशहाल लेइयै औग। उपराष्ट्रपति जगदीप धनखड़ होरें आखेअपा जे ईद सांस्कृतिक, बनसबन्नता ते इक जुटता दा प्रतीक ऐ। उनें मेद कीती जे एह ध्यार उनें मुल्ले कदरें बक्खी समर्पित रौहने लेई प्रेरित करोग जेह्ड़े साढ़े जीवन गी दिशा दिंदे न।

<><><><><><>

Trump-Iran

अमरीका दे राष्ट्रपति डोनाल्ड टंप होरें ईरान गी अपने परमाणु प्रोग्राम उप्पर अमरीका कन्ने समझौता नेई करने दी सूरत च बम्बारी ते होरने दुए शुल्क लाने दी धमकी दिती ऐ। एनबीसी न्यूज गी टेलीफोन उप्पर दिते गेदे इंटरव्यू च टंप होरें आक्खेया जे अमरीका ते ईरान दे ऐहलकार गल्लबात करारदे न। 2017 सवां 2011 ताड़ी अपने पैहले कार्यकाल दौरान टंप ने 2015 च ईरान ते विश्व शक्तिएं बश्कार होए समझौते थमां अमरीका गी बाहर कड्डी लैता हा। ओदे मगरा ईरान अपने परमाणु प्रोग्राम च काफी अगगै बदी गेदा ऐ पर ईरान दा आक्खना ऐ जे उसदा प्रमाणु प्रोग्राम पूरी चाल्ली नागरिकें दी उर्जा जरूरतें गी पूरा करने लेई ऐ।

<><><><><><>